



SLUŽBENE NOVINE KANTONA SARAJEVO

Godina XXXI - Broj 6

Četvrtak, 12. 2. 2026. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 46. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14 - Ispravka, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), članom 11. Zakona o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj 38/16) i članom 22. stav (2) i (4) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 113. sjednici, održanoj 29.01.2026. godine, donijela je

UREDBU

O DOPUNI UREDBE O DODJELI TRANSFERA NEPROFITNIM ORGANIZACIJAMA I POJEDINCIMA IZ BUDŽETA KANTONA SARAJEVO

Član 1.

(Dopuna člana 4.)

U Uredbi o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25), u članu 4. stav (1) dodaje se nova tačka r), koja glasi:

"r) Ured Vlade Kantona Sarajevo za podršku Srebrenici".

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-2459-7/26

29. januara 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 20.

Zakona o administrativnim taksama ("Službene novine Kantona Sarajevo", broj 30/01 - Prečišćeni tekst, 22/02, 10/05, 26/08 i 23/16) i člana 7. stav (4) Zakona o sudskim taksama ("Službene novine Kantona Sarajevo", broj 36/14 - Prečišćeni tekst, 23/16 i 28/25), Vlada Kantona Sarajevo, na 149. vanrednoj sjednici, održanoj 05.02.2026. godine, donijela je

UREDBU

O EMITOVANJU I DISTRIBUCIJI TAKSENIH MARAKA

Član 1.

(Predmet)

Ovom uredbom uređuje se emitovanje i distribucija administrativnih i sudskih taksenih maraka na području Kantona Sarajevo.

Član 2.

(Vrste taksenih marki)

Taksene marke jedinstvene emisije izdaju se u apoenima, i to administrativne od 0,5 KM, 1 KM, 2 KM, 5 KM i 10 KM i sudske od 0,5 KM, 1 KM, 2 KM, 5 KM i 10 KM.

Član 3.

(Forma i oblik taksenih maraka)

Taksene marke izrađuju se na specijalnom bijelom bezdrvnom papiru, sa nevidljivom zaštitom, dimenzija 27x37 mm i tekstom ispisanim u crnoj boji.

Član 4.

(Izgled taksenih maraka)

Taksene marke imaju sljedeći izgled:

- obavezni elementi administrativnih taksenih maraka (u daljnjem tekstu: administrativne taksene marke) u apoenima od 0,50 KM, 1 KM, 2 KM, 5 KM i 10 KM su:
 - oznaka apoena: 0,50 KM, 1 KM, 2 KM, 5 KM i 10 KM,
 - u srednjem dijelu administrativne taksene marke naslikan je grb Kantona Sarajevo, ispod grba u desnom uglu utisnuta je oznaka vrijednosti administrativne taksene marke

- Kantona Sarajevo, a sa desne strane utisnut je naziv: "ADMINISTRATIVNA TAKSA", gdje je tekst ispisan odozdo prema gore,
- 3) u gornjem desnom dijelu administrativne taksene marke ispisan je tekst jedan ispod drugog: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO",
 - 4) pismo teksta je Friz Quadrata BT za sva tri reda,
 - 5) format štampanog specimena A4 dimenzija 210x297 mm,
 - 6) dimenzije taksene marke 27x37 mm sa bijelim rubom i jedinstvenom perforacijom čiji broj i veličina treba da odgovaraju postavljenim dimenzijama,
 - 7) bar kod za jednu seriju taksenih maraka koji je poseban bar kod za svaki od navedenih apoena taksenih maraka,
 - 8) papir je težine od 90 do 110 gr/m² gdje je u gramažu papira uračunat ljepljivi nanos koji se nanosi na poledinu taksene marke,
 - 9) štampa: 4/0,
 - 10) administrativne taksene marke štampane su u sljedećim bojama podloge taksenih maraka:
 - apoen od 0,50 KM štampa se sa podlogom u svijetlo plavoj boji,
 - apoen od 1 KM štampa se sa podlogom u ljubičastoj boji,
 - apoen od 2 KM štampa se sa podlogom u žutoj boji,
 - apoen od 5 KM štampa se sa podlogom u svijetlo zelenoj boji,
 - apoen od 10 KM štampa se sa podlogom u svijetlo bordo boji,
 - 11) obrada: perforacija, koja je tačkasta ili linijska perforacija,
 - 12) dorada: perforirano 50 komada na finalnom formatu arak A4 gdje je svaki arak označen posebnim numerisanim brojem,
- b) obavezni elementi sudskih taksenih maraka (u daljnjem tekstu: sudske taksene marke) u apoenima od 0,50 KM, 1 KM, 2 KM, 5 KM i 10 KM su:
- 1) oznaka apoena: 0,50 KM, 1 KM, 2 KM, 5 KM i 10 KM,
 - 2) u centralnom dijelu sudske taksene marke naslikan je grb Kantona Sarajevo,
 - 3) u vrhu sudske taksene marke ispisan je tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO",
 - 4) pismo teksta je Friz Quadrata BT za sva tri reda,
 - 5) na desnoj strani centralnog motiva ispisan je tekst: "SUDSKA TAKSA",
 - 6) nominala i oznaka valute ispisani su u gornjem lijevom uglu,
 - 7) papir je težine od 90 do 110 gr/m² gdje je u gramažu papira uračunat ljepljivi nanos koji se nanosi na poledinu taksene marke,
 - 8) štampa: 4/0,
 - 9) sudske taksene marke štampane su u sljedećim bojama podloge taksenih maraka:
 - apoen od 0,5 KM štampa se sa podlogom u svijetlo bordo boji,
 - apoen od 1 KM štampa se sa podlogom u svijetlo zelenoj boji,
 - apoen od 2 KM štampa se sa podlogom u ljubičastoj boji,
 - apoen od 5 KM štampa se sa podlogom u žutoj boji,
 - apoen od 10 KM štampa se sa podlogom u svijetlo plavoj boji,
 - 10) obrada: perforacija, koja je tačkasta ili linijska perforacija,
 - 11) dorada: perforirano 50 komada na finalnom formatu arak A4 gdje je svaki arak označen posebnim numerisanim brojem.
- Član 5.
(Postupak štampanja taksenih maraka)
- (1) Ministarstvo finansija Kantona Sarajevo (u daljnjem tekstu: Ministarstvo finansija) provodi postupak nabavke usluga štampanja, puštanja u promet, distribucije i usluga prodaje taksenih maraka u apoenima od 0,50 KM, 1 KM, 2 KM, 5 KM i 10 KM.
 - (2) Ministarstvo finansija može povjeriti štampanje taksenih maraka izvršiocu usluga štampanja (u daljnjem tekstu: izvršilac usluga) koje osigurava zaštitu i sigurnost štampanja taksenih maraka i koje je odabrano kao najpovoljniji ponuđač putem provođenja postupka javne nabavke u skladu sa odredbama Zakona o javnim nabavkama ("Službeni glasnik BiH", broj 39/14, 59/22 i 50/24) i podzakonskih akata donesenih na osnovu Zakona o javnim nabavkama.
 - (3) Ugovorom između Ministarstva finansija i izvršioca usluga štampanja, kojem se povjerava štampanje taksenih maraka, regulišu se odnosi u vezi planiranih potreba i naručenih taksenih maraka, mjesto i način prodaje odštampanih taksenih maraka, način zaštite taksenih maraka, te vođenje evidencije odštampanih i isporučenih taksenih maraka.
 - (4) Na osnovu ugovora iz stava (3) ovog člana Ministarstvo finansija izdaje izvršiocu usluge narudžbenicu za štampanje taksenih maraka.
 - (5) Ministar finansija Kantona Sarajevo (u daljnjem tekstu: ministar finansija) imenuje državne službenike i namještenike da kao ovlaštene i odgovorne osobe Ministarstva finansija vrše koordinaciju svih aktivnosti ispred Ministarstva finansija po osnovu realizacije ugovora.
 - (6) Imenovani državni službenici i namještenici Ministarstva finansija u ime Ministarstva finansija vrše dostavu zahtjeva i uredne narudžbenice izvršiocu usluge tačno određenog broja potrebnih taksenih maraka Kantona Sarajevo, sa određivanjem krajnjeg datuma do kada je potrebno izvršiti štampanje istih, te istu dostavljaju izvršiocu usluga u roku od sedam do 15 dana prije krajnjeg datuma do kada je potrebno izvršiti štampanje. Ministarstvo finansija zajedno sa izvršiocom usluga sačinjava zapisnik o primopredaji naručenog broja taksenih maraka Kantona Sarajevo, gdje su vrsta i broj taksenih maraka određeni narudžbenicom Ministarstva

finansija, u kojem se konstatuje tačan broj odštampanih taksenih maraka Kantona Sarajevo i količina afala koji se komisijski uništava na licu mjesta u štampariji.

- (7) Komisiju iz stava (6) ovog člana sačinjavaju ovlašteni predstavnici Ministarstva finansija kao naručioca usluga i ovlašteni predstavnici izvršioca usluga.
- (8) Ministar finansija imenuje državne službenike i namještenike Ministarstva finansija za članove Komisije iz stava (6) ovog člana sa zadatkom da imenovani preuzimaju taksene marke i iste pohranjuju u kasu koja se nalazi u Ministarstvu finansija.

Član 6.

(Postupak puštanja u promet i distribucije taksenih maraka)

- (1) Ministarstvo finansija, na osnovu ugovora o zastupanju, povjerava prodaju administrativnih taksenih maraka općinama na području Kantonu Sarajevo.
- (2) Ministarstvo finansija, na osnovu ugovora iz člana 5. stav (1) ove uredbe, povjerava prodaju administrativnih taksenih maraka u Kantonu Sarajevo i pravnom licu ovlaštenom za prodaju administrativnih taksenih maraka u Kantonu Sarajevo (u daljem tekstu: pružalac usluga prodaje administrativnih taksenih maraka), izabranom putem postupka javnih nabavki i to u prostorijama ovlaštenog prodavača i u prostorijama Ministarstva unutrašnjih poslova Kantona Sarajevo u kojima se nalaze lokacije za izdavanje ličnih dokumenata sektora za administraciju ili u blizini istih.
- (3) Ugovorom iz stava (1) ovog člana uređuju se obaveze obezbjeđenja dovoljne količine administrativnih taksenih maraka na prodajnom mjestu, način trebovanja i prodavanja istih, visina naknade pružaocu usluga prodaje administrativnih taksenih maraka za usluge prodaje istih i dr.
- (4) Izdavanje administrativnih taksenih maraka iz kase vrši Komisija za poslove oko izrade i distribucije administrativnih taksenih maraka na osnovu usmenog ili pismenog zahtjeva općine i pružaoca usluga.
- (5) Ministarstvo finansija na osnovu ugovora povjerava prodaju sudskih taksenih maraka u Kantonu Sarajevo pravnom licu izabranom kroz postupak javnih nabavki (u daljem tekstu: pružalac usluga prodaje sudskih taksenih maraka) unutar zgrade Općinskog suda u Sarajevu, ul. Šenoina br. 1, Sarajevo ili u blizini istog.
- (6) Izdavanje sudskih taksenih maraka pružaocu usluga prodaje sudskih taksenih maraka iz kase koja se nalazi u Ministarstvu finansija vrši komisija iz stava (4) ovog člana na način kako je to uređeno ugovorom.
- (7) Pravna lica koja imaju potrebu za nabavkom sudskih taksenih maraka u iznosu većem od 1.000,00 KM (slovima: jednahiljada i 00/100 konvertibilnihmaraka) iste mogu nabaviti u Ministarstvu finansija na način da novčanu protuvrijednost potraživanih sudskih taksenih maraka uplate na depozitni račun za prikupljanje javnih prihoda Kantona Sarajevo, broj 1411965320008475 (u daljnjem tekstu: Depozitni račun), na vrstu prihoda 722221, općina 077, svrha uplate: "uplata za sudskih taksenih maraka".
- (8) Komisija iz stava (4) ovog člana na osnovu pisanog zahtjeva pravnog lica i dokaza o izvršenoj uplati (uplatnica), nakon pribavljene potvrde o izvršenoj uplati iz Registra uplaćenih prihoda (RAS-a), izdaje uplatiocu

potraživane sudske taksene marke u protuvrijednosti uplaćenog novčanog iznosa.

Član 7.

(Zaduženje taksenim markama i dokaz o uplati taksenih maraka)

- (1) Ukupno akontativno zaduženje općine i pružaoca usluga prodaje administrativnih taksenih maraka koji vrše prodaju administrativnih taksenih maraka ne može biti veće od 20.000,00 KM (slovima: dvadesethiljada i 00/100 konvertibilnihmaraka).
- (2) Općine i pružalac usluga prodaje administrativnih taksenih maraka mogu se zadužiti administrativnim taksenim markama do visine akontativno uplaćenih novčanih sredstava na Depozitni račun.
- (3) Ukupno akontativno zaduženje sudskim taksenim markama pružaoca usluga prodaje sudskih taksenih maraka ne može biti veće od 100.000,00 KM (slovima: stotinu hiljada i 00/100 konvertibilnihmaraka).
- (4) Pružalac usluga prodaje sudskih taksenih maraka može se zadužiti sudskim taksenim markama do visine akontativno uplaćenih novčanih sredstava na Depozitni račun.
- (5) Općine i pružaoci usluga koji akontativno zadužuju taksene marke dužni su da prilikom svakog novog trebovanja taksenih maraka dostave komisiji iz člana 6. stav (4) ove uredbe dokaz o prethodno izvršenoj uplati novčanih sredstava u protuvrijednosti potraživanih taksenih maraka na Depozitni račun.
- (6) Komisija iz člana 6. stav (4) ove uredbe na osnovu dokaza o izvršenoj uplati iz stava (2) i (4) ovog člana izdaje administrativne i sudske taksene marke u protuvrijednosti prethodno uplaćenih novčanih sredstava za trebovane administrativne i sudske taksene marke.
- (7) Općine i pružaoci usluga prodaje taksenih maraka dužni su da vode evidenciju o zaduženju i prodaji taksenih maraka i da istu jednom godišnje usklade sa evidencijom u Ministarstvu finansija.
- (8) Ovlaštene i odgovorne osobe Ministarstva finansija iz člana 5. stav (5) ove uredbe dužne su ministru finansija dostavljati izvještaj o stanju izdatih i naplaćenih taksenih maraka krajem svakog mjeseca i po potrebi na zahtjev ministra finansija.

Član 8.

(Pripadnost prihoda ostvaren prodajom taksenih maraka)

Prihod ostvaren prodajom taksenih maraka je prihod budžeta Kantona Sarajevo.

Član 9.

(Povrat uplaćene takse)

- (1) Takseni obveznik koji nije bio dužan platiti taksu ili je uplatio taksu u taksenim markama u iznosu većem od propisanog ili uplatio taksu u taksenim markama za radnju koja nije obavljena ima pravo na povrat uplaćene takse.
- (2) Postupak za povrat takse pokreće se na zahtjev stranke.
- (3) Zahtjev za povrat takse rješava organ kojem je uplaćena taksa.
- (4) Takseni obveznik koji ne upotrijebi taksene marke koje su u prometu može iste zamjeniti za gotov novac samo na blagajni koja vrši distribuciju taksenih maraka.

Član 10.

(Mjesto prodaje taksenih maraka)

Prodaja taksenih maraka vrši se na ovlaštenim mjestima iz člana 6. ove uredbe.

Član 11.

(Način korištenja taksenih maraka)

Taksene marke lijepe se:

- a) za podnesak: na samom podnesku,
- b) za rješenje, odobrenje, uvjerenje ili drugu ispravu: na podnesku kojim stanka traži izdavanje odnosne isprave,
- c) za službene radnje: na podnesku kojim se traži izvršenje službene radnje.

Član 12.

(Poništavanje taksenih maraka)

- (1) Poništavanje taksenih maraka koje se lijepe na podnesku vrši organ nadležan za prijem podneska.
- (2) Poništavanje taksenih maraka vrši se pečatom organa iz stava (1) ovog člana.

Član 13.

(Prestanak važenja ranijeg propisa)

Danom stupanja na snagu ove uredbe prestaje da važi Uredba o taksenim markama ("Službene novine Kantona Sarajevo", broj 15/98, 15/00, 18/02, 23/02 i 4/03).

Član 14.

(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-3872-9/26

05. februara 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 147. vanrednoj sjednici, održanoj 30.01.2026. godine, donijela je

ODLUKU

**O PRIHVATANJU PRIJEDLOGA PROTOKOLA O
PREGOVORIMA ZA ZAKLJUČIVANJE
KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I
OBRAZOVANJA U KANTONU SARAJEVO**

Član 1.

Prihvata se prijedlog Protokola o pregovorima za zaključivanje Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

Član 2.

Protokol iz člana 1. ove odluke dostavit će se Samostalnom sindikatu osnovnog obrazovanja i odgoja Federacije Bosne i Hercegovine – Kantonalni odbor SSOiO Kantona.

Član 3.

Ovlašćuje se ministrica za odgoj i obrazovanje Kantona Sarajevo - predsjednica Pregovaračkog tima Vlade Kantona Sarajevo, da potpiše Protokol iz člana 1. ove odluke.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-3059-3/26

30. januara 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 147. vanrednoj sjednici, održanoj 30.01.2026. godine, donijela je

ODLUKU

**O PRIHVATANJU PRIJEDLOGA PROTOKOLA O
PREGOVORIMA SA SINDIKATOM SREDNJEG I
VISOKOG OBRAZOVANJA, ODGOJA, NAUKE I
KULTURE BOSNE I HERCEGOVINE, KANTONALNI
ODBOR KANTONA SARAJEVO**

Član 1.

Prihvata se prijedlog Protokola o pregovorima za zaključivanje Kolektivnog ugovora za djelatnost srednjeg obrazovanja u Kantonu Sarajevo.

Član 2.

Protokol iz člana 1. ove odluke dostavit će se Sindikatu srednjeg i visokog obrazovanja, odgoja, nauke i kulture Bosne i Hercegovine, Kantonalni odbor Kantona Sarajevo, kao drugoj ugovornoj strani.

Član 3.

Ovlašćuje se Ministrica za odgoj i obrazovanje Kantona Sarajevo - predsjednica Pregovaračkog tima Vlade Kantona Sarajevo, da potpiše Protokol iz člana 1. ove odluke.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-3059-4/26

30. januara 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 113. sjednici, održanoj 29.01.2026. godine, donijela je

ODLUKU

**O DAVANJU SAGLASNOSTI ZA PRIHVATANJE
DOSTAVLJENIH IZVJEŠTAJA O IMPLEMENTACIJI
ODOBRENH SREDSTAVA PO ISTEKU PERIODA OD
ŠEST MJESECI I PRIZNAVANJU OPRAVDANIH
TROŠKOVA NASTALIH U PERIODU ŠEST MJESECI
OD DANA UPLATE ODOBRENH SREDSTAVA PO
OSNOVU JAVNOG POZIVA ZA PROGRAM
"PODRŠKA MLADIMA ZA POKRETANJE START UP
POSLOVNIH SUBJEKATA", BROJ 07-05-15-33158/23
OD 17.07.2023. GODINE**

Član 1.

Daje se saglasnost Ministarstvu privrede Kantona Sarajevo da prihvati izvještaje o implementaciji odobrenih sredstava koji su dostavljeni po isteku perioda iz člana 4. stav (1) tačka i) ugovora o dodjeli poticajnih sredstava po osnovu programa: "Podrška mladima za pokretanje start up poslovnih subjekata", broj 07-05-15-33158/23 od 17.07.2023. godine i da na osnovu odnosnih izvještaja prizna opravdan trošak za prvih šest mjeseci poslovanja korisnika sredstava računajući od dana uplate odobrenih sredstava.